

MOND D'ENERGEIA ELA: Referat public

## La midada d'energeia pertotga nous tots

**comm./mc** L'uniun «mond d'energeia ela» less sensibilisar la populaziun e l'economia per chesta tematica. Per chest scopo ò l'uniun anvido Anton Gunzinger, professor alla ETH Turitg ed impressari da neir a Savognin. Anton Gunzinger vign a referar igl 1. d'avregl 2019 allas 17.30 tar igl mond d'energeia a Savognin. Igl tema è: «pledoyer per ena midada d'energeia cun avigneir».

Pertutgont energeia regenerabla sa catta la Svizra, tenor Anton Gunzinger ainten ena situaziun confortabla: Ella so gudagner 100% dall'electricitad duvrada or dad ava, suglegl, vent e biomassa, ed alla fejn è chest proceder profitabel per l'economia publica. Aint igl sies referat declera Anton Gunzinger igls fatgs e mossa igls proxims zaps bisignevels.



Igl referent Anton Gunzinger glindesde proxim tar «ela mond d'energeia».

### mond d'energeia ela – ena reit da persungas digl rom independentas

Innovaziun, atgn'iniziativa ed angaschamaint segnan l'uniun «mond d'energeia ela». L'uniun agescha sensibel e plagn responsabladad anvers igl ambiain, nizzegia las resursas ed igls potenzials regiunals ed

augmanta uscheia l'effizienz d'energeia e la qualidad da veiver ainten en ambiain intact. Igl mond d'energeia ela ò igl intent da nizzigier potenzials regiunals ecologics ed economics dad energeias regenerablas ed effizaintas a l'energeia. Antras chegl duess la creaziun da valour regiunala neir augmentada ed igls donns digl ambiain antras produziun e consumaziun dad energeia neir sbassos.

Igl center da furnaziun digl mond d'energeia ela sa basa segl concept cugls partenaris principals, oz Uffer AG, ewz, ibw scola ota Svizra orientala, Uniun Parc Ela e Vischnanscha d'energeia Ela, scu er da divers commembers. Partenaris principals e commembers portan lour cumpetenzas ainten l'uniun e profiteschan dalla reit correspondent. Tiers chegl vign promovia igl transfer da saveida e tecnologia tranter igls commembers e partenaris digl mond d'energeia ela. Igl mond d'energeia ela integrescha er la publicitad ainten lour activitads ed anveida adegna puspe a diversas occurenzas, referats, seiras d'infurmaziuns ed oter ple.

### Referat public dad Anton Gunzinger tigl tema «pledoyer per ena midada d'energeia cun avigneir»

Anton Gunzinger, professor alla ETH ed impressari, sa fatschainta gio divers onn digl tema midada d'energeia. El stgaffescha en maletg d'ena Svizra scu tgi ella pudess vaseir or per las proximas generaziuns. La populaziun dalla Svizra ò en problem angrevagiont. I vign duvro 4 liters petroli per testa an de, schibagn tgi vessans igl «dretg» angal dad 1,7 liters. Chinto cun las otras matergias primas è igl fastez ecologic dalla Svizra oz schi grond scu 3 teras. Chegl vot deir: Schi tot igls carstgangs vivessan uscheia scu nous, alloura duvressans las resursas da 3 monds. Nous vagn pero angal egn – ed igl petroli vign ad eir a fejn an en taimp prevedibel.

Anton Gunzinger vo siva alla dumonda, scu tgi la Svizra savess redutgier igl consum da resursas sainza sperditas da lour capacitad economica ed cun saveir tigneir tuttegna igl bagnstar. Aint igl sies pledoyer mossa el scu tgi nous savagn renunztgier sen energeia dad ovras nucleararas e duvvar 100% electricitad dad energeias regenerablas (ava, suglegl, vent, implants per arder rusment, biomassa). El pledescha per ena «ovra Svizra» intelligent, tgi funcziunga independentamaintg digl exterior e sainza sa separar dall'Europa.

PROFIL: cun Aaron Bellini

## Restauratur, caluster ed um da la cardientscha



Giast agl Profil da sonda proxima: Aaron Bellini.

Aaron Bellini (48) restaurescha cun corp ed olma. L'amur per il restaurar è dentant pir vegnì cun ils onns. «Siva igl emprendissadi da scrinari leva atgnamiantg davantar sculptour da lagn» tradescha il bab da trais uffants. Dentant ha el svilupà in grond respect per la lavur dals antenats ed è pervass che quellas lavurs ston vegnir mantegnidas per las proximas generaziuns. Forza chatta el en la cardientscha e quai betg mo cura ch'el fa la lavur da caluster.

Redaziun : Tona Poltera

### Emissiun :

sonda 30.3.2019, 9.00 h  
mesemna 03.4.2019, 20.00 h

